

Ч. 46. (81.) Крыница, четверг, дня 5. грудня (22. листопада) 1935. Рок II.



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателєй, котры не вплатили ище пренумераты, просиме выровнати якнайскорше рахунки.

Также просиме присылати членскы вкладки до Лемко-Союза.

Кто хоче достати иллюстрованый **Календар „Лемка” на 1936-ый рок**, нехай присылат якнайскорше гроши.

Ціна одного календара выносит **50 гр.** При замовленях 10 календарей покрыват редакция оплату почтову.

Пренумерата в краю:

30 грошей місячно,

80 „ квартално

1:50 „ полрочно,

3 зл. рочно.

В Америкі: 1 дол. рочно.

В Чехословакии:

2 кор. місячно, 10 кор. полрочно,

20 кор. рочно.

Кonto чекове № 404.155.

Торговельный договор с Німеччином

може оживити господарче жите на селі.

Недавно заключила Польша торговельный договор с Німеччином. Договор тот обвязує от 20. листопада т. р. В силу того договора Німеччина обвязала ся куповати в Польщі продукты рольны, передовсем свині, масло, яйца и омасту, а Польша буде спроваджати с Німеччины самоходы, инструменты медычны и машины. Понадто Німеччина буде перепущати через свой терен продаваный через Польшу иншим краям статок и другы товары.

По обчислениям ціна товаров замінных медже Польщом и Німеччином має выносити рочно 170 миллионов злотых. Польша не достає тых грошей за вывезены рольны продукты, бо за тоты гроши присылат Німеччина до Польщи самоходы и машины, але для селян тот договор єст важный и користный, бо через вывоз статку, свиней и рольных продуктов, ціны того статку и тых продуктов поднесут ся и удержат ся долгий час на том уровні. Если продаж свиней, масла, домашних птахов и яиц буде загварантована по оплачальных цінах, то и стан сельских господарств мусит ся поднести. Особенно свині были все основом хлопской касы. Недостаток збыта на свині и што иде за тым, велике пониженє их ціны, при котрой не оплачало ся [хувати свиней, стал ся головном причином грошевой нужды на селі.

Сума 170 миллионов злотых за перший рок, т. є. за час от 20-го листопада 1935. р. до 20.XI. 1936. р. показує, же предвидженный єст вывоз около 1 миллиона свиней. Єст то мало, але на початок добре и тилько. В міру розвитку господарчого краю можна буде продати до Німеччины значно больше тых продуктов, бо Німеччина, яко край

промышленый, спроваджат свині с Аргентины, Бразылии и других далеких краєв. Што до ціны, Польша може напевно конкурвати с другыма краями, по транспорт єст близкий, а гатунок нашой свинины зачисляют до найліпших. От развития дальших политычных отношень зависит, от кого Німеччина буде куповати потребный товар.

Аж до початку 1934-го року тревала медже Польщом и Німеччином торговельна война. На той войні потерпіло найбільше село, котре тепер по торговельной умові с Німеччином може ся поднести. Тому торговельный договор с Німеччином належит признати за користный и не дати ся баламутити ріжным политычным агитаторам, котры видят в нем опасность. Правда Німеччина не была, не єст и не може быти николи приятельом славян, але договор тот сам єст користный, бо обогачує край и поднесит наши силы, а селу позволит допровадити свои господарства до ровновагы.



В ділі курсов в Крыници.

Як уж писали мы в попередных числах Лемка, намірят ся урядити в Крыници селі в місяці грудні т. р. два курсы а именно курс **дырыгентов хору и куро тнацный.**

Курс дырыгентов хору начал ся в понеделок дня 2-го грудня о год. 4-той по пол. Курсанты мают бесплатне помещенє на гр. кат. приходстві и в дому читальні им. Мих. Качковского в Крыници-селі. Наука отбыват ся каждого дня в годинах пополудневых на приходстві в Крыници-селі. Рано курсанты приготавливают ся до лекций.

Кто хоче вписати ся ище на тот курс, може тото зробиити найпозднійше до дня 8-го грудня т. року.

Курс тот дає основне образованє музычне и тому користайте якнайчисленнійше с нагоды, котрой може не быти в слідующих роках.

С маслом не выход на сонце.

От долгого часу не отвѣчали мы совсем на напады украинских газет на Лемко-Союз и „Лемка” не прото, жебы трудно было збити брехливы выводы тых „писак”, лем тому, же жаль нам было труда и паперу на отвѣт безмысленным бздурам. Попрсту думали мы, же побрешут, побрешут и устанут. Тымчасом „вікраїнським писакам” именно тото до вподобы, як их никто не бє по пальцах, — они втотчас сгают ся „бадьорі” и як ся розбрешут, то уж ніт ни конца, ни міры. Так розбрехал ся на добре якийсь „писака-дописувач” до газеты „Новый-Час”, котрый в числах 249, 250 251 и 252 так забрехал ся, же уважаме за отвѣтне кус го вздержати и то не тому, жебы нам его брехня шкодила, лем для добра „писакы”, бо жаль бы было, як бы его забрали до Кульпаркова за неотличанє правды от брехні.

Сут люды, особенно стары, котры не отличают правды от неправды. О них бесідуєме все с усміхом и оповідаме собі яко куріозы их побиваючи ся сами собом выводы. Я знал одного старика, котрый упер ся при том, же в неділі и свята не курсуют поїзды, хоц сам за молодых літ їздил в свята поїздами. Инший старик, наводячи приміры, стремячи до заохоты людей до вытревалоого труда, высказал таку фразу: Птицы небесны не орют, ани сіют, а жиют, так и вы любы християне трудить ся от рана до ночи” и т. д. хоц сам был трудолюбивый и не образовал ся на птицах. Так и „писака”. Не знам его, але судячи по его брехні, приходжу до заключения, же єст то старик в том віку, в котром люды ся уж забывают, они уж не памятают, што им другы бесідуют и затрачают почутє правды и неправды. Оно тото не шкодит, бо як бы не такы „писакы”, то бы ся человек николи не посміял, а сміх, гварят учены,

причинят ся до здравя, и прото шкода бы было, як бы такого „писака“ забрали до шпиталя. Тому раджу ти шыро „писака“, уважай на себе, барз ся не гальопуй и на закрутах гамуй!

Пристаючы до самой брехні, отвічу коротко: д-р Гнатышак не был и не єст дыректором комунальной касы в Крыниці, ани сындыком „живця“, бо сындыком купелевого заведеня єст д-р Качмарчик, а дыректором касы Райхерт. Же „писака“ на числил Трохановскому аж семеро дітей и то на посадах, даст ся пояснити также лем затратом памяти, або выдаючим ся талантом перекручания фактов, (тот талант „писака“ має). Але то всьо нич в поровнаню с тым, што пише „писака“ дальше. Там читаєме, же коли минушого року в сарпні заіхал до Крыниці п. воєвода Рачкевич, — визначный громадянин с Лабовы, п. Колянда, який был в делегации, выступил с промовом до пана воєводы, в якой сильно подчеркнул, што загал лемков домагат ся усуненя со школ читанок Трохановского и приверненя давнійших („українських“) учителей. Я бы рад знати от кого то таке чул писака, бо там было много людей, наших лемков и поляков, были представителі властей и никто того не чул.

Але то так, жебы ся можна было якоси от того выкрутити, то подає ся уж всьо перекручене, аджек пише ся, же то было минушого року, хоц втотчас г-н Рачкевич ище не был воєводом краковским, же в делегации выступил господар Колянда, якого там совсем не было, бо при том малом перекрученю можна уж пустити и велику брехню о мнимом жаданю населеня усунути

лемковскы учебники школьны. Але пане „писака“ не тади стежка до гороху, а для вас, украинцы, в загалі до руского лемковского гороху нит стежки. Правдивыма фактами вы нас не побете ани розєдините, бо правдивых фактов и аргументов у вас нит, а брехня, як брехня, може початково и дакто в ню повірит, але поволи все покаже ся, же то брехня и осмішит ся лем клеветник. Мы знаєме добре ваши способы борбы: перед народом и в тых газетах, котры розсылаєте за дармо по лемковских селах, представляєте Лемко Союз, и єго членов, яко польских агентов, а уж н. пр. в газеті „Діло“, котрой на селі не читают, але за то показуєте ю министрам и воєводам, кричите, жебы згнести наше движенє, яко москвофильске и опасне. Але мы ся того не боиме, бо нас знають от давна, ище от того часу, як мы сідили по Талергогах и тюрьмах, до котрых вы нас пхали, же мы рускы лемкы и такыма хочеме все остати.

Не можна однак сказати, штобы „писака“ все брехал. О ні! В числі 252-ом газеты „Новый Час“ в дописи „Діяльність о. Масцюха“ написал велику и святу правду: „Лемкосоюзу ходило про зовсім іншу справу: відірвати під кождым, отже і під релігійним оглядом Лемковщину від українського пня!“ Свята правда пане „писака“ То была, єст и буде наша ціль не допустити вас в наши горы с вашом науком. Одна лем в той правді неточность, а именно што мы не потребуєме отрывати того што ся не тримат и николи не тримало ся разом. При конці ище одна замітка пане „писака“. Не думайте о других так, як о собі, бо єст ріжница одна меже нами: вы уж привыкли

брати, а мы хыбаль лем по криминалах на ваши доносы сідити. Вы уж дост нахапали ище от Австрии и хапате доталь и с Німеччины и от Литвы и откаль ся лем даст. Маючы однак масло на голові, може лучше не пхати ся на сонце, тым больше, же мы вас не напастуєме.



На фронті италиянско-абисынском.

За послідну неділю перемінило ся счастье в войні италиянско-абисынской. Италиянскы войска не посунули ся нигде наперед, а наоборот абисынска армия нотує килька поважных успіхов.

На фронті полночном сконцентровали ся абисынскы войска в Льогабас, Абби-Адди, Анталья и Геральта. До тых місцевостей приходят штотаз новы отділы войск. До борбы доходит передовсем в реїоні Тембиен, где невеликы партызантскы отділы непокоят италиянов. Чорны войска, находячыся под начальством раса Гияля перешли ріку Такказе в двох місцах и угрожают поважно италиянам. Меже Макале и Дольо италияны будують сильны позыции, бо в том місци сподівають ся головного боя с войсками раса Сеюма. Италиянскы самолеты также притихли, бо бомбардованє малых отділов, укритых добре в горах было бы безцілеве.

С фронта полудневого

ніт от килькох дней вістей. Со стороны абисынской поясняют, же причиною того єст

Стан овчарства в повіті ново-сандецком.

Плянову акцию в области поднесеня числа и якости овец веде ся в повіті ново-сандецком от р. 1929. В літах попередных обнято пляновом акциом 32 села, а тепер єст она ведена на пространстві 71 сел.

В цілі уодностайненя метод труда в области годовлі овец во всіх осередках повіта сорганізовано 18 кружков розводителів овец и Повітовий Союз при Окр. Т-ві Рольном. Штобы не допустити до шкодливой мішанины овец с місцевостей ище несорганізованных, где находит ся материял о малой породистой вартости, до місцевостей уж сорганізованных, в текучом року обнято акциом также тоты місцевости, в котрых находит ся мале число овец.

Повіт ново-сандецкый єст поділений на два годовляны реїоны. В реїоні полночном розводит ся лем овцы чорны, а в реїоні полудневом лем овцы білы.

Породу овец поправят ся мішанєм рас и остром селекциом. Овцу білу мішат ся с расом фрызийском, а овцу чорну с расом каракул.

Результаты той систематичной и пляновой работы сут додатны, бо поправили ся значно: сорт волны, молочность, гатунок кожуха у овец чорных, а также увеличила ся жива вага штук. Тепер нерідко можна уж надьбати штуку о вазі понад 50 кг., а дакотры доходят аж и до 80 кг. Найлучши результаты в той акции спостережено в селах: Мохначка Выжна, Злоцке, Щавник, Верхомля Велика, Обидза, Лонцко, и Бржезна. Найслабши поступы видно в Жегестові, а середны в Ломниці, Пивничной, Рытрі и Забржежі. Понеже селяне поняли уж, же хов овец оплачат ся, прото заинтересованє ховом овец єст всяди велике. Не лем поправили ся гатунок овец, але взросло сильно также их число. Сут місцевости, в котрых перед килькома роками было всього кильканадцет штук планних овец, а тепер находит ся там три або и чотыры разы больше породистых овец.

Вводячи в житє начеркнену програму діяльности на текучий рок, переведено разом с Краковском Палатом Рольном весняны перегляды ягнят, получены с кастрациом трыков (баранов) незаквалификованык до дальшой годовлі. В днях 23. до 28.

вересня переведено осенны перегляды трыков, а также в днях от 7 до 18-го жолтня перегляды овец. Принятым от літ звычайєм, осенны перегляды годовляного материяла сут получены с премиованєм, т. зн. даванєм нагороды за добре хованє, што впливат в значной мірі на поднесенє гатунку и числа хованых овец.

Обнимаючы пляновом акциом цілый терен повіта ново-сандецкого, тогорочны осенны перегляды овец переведено в 22 місцевостях, в том числі в 10 селах лемковских: Верхомля Велика, Жегестов, Щавник, Злоцке, Лелюхов, Мохначка Выжна, Лабова, Берест, Білцарева и Мушинка. С загального числа 1188 овец приведено до перегляда 985 штук овец и ягнят, в том числі овец білых 1189, а чорных 5126 штук и выплачено, господарам, ховаючим овцы 1671. зл. нагороды за добре плеканє овец. При той случайности уряджено также конкурс стріженой волны и за найліпши результаты (назагал результат был всяди добрый) выплачено 210 зл. премии. Также выплачено премии за найліпше удержаны трыкы (бараны) в высоті 854 зл. Загалом аджек выплачено нагород 2735 зл. На суму тоту зложили ся Выділ Повітовий, Краковска Палата Рольна и Окружне Т-во Рольне. Высота нагород, якы признано поодынокым господарам была слідуоча:

а) за трыкы повыше 1 року:

I-ша нагорода — 15 зл., II-га — 8 зл., III-та — 6 зл.

б) за трыкы понизше 1 року:

I-ша нагорода — 8 зл., II-га — 6 зл., III-та — 3 зл.

в) за овцы:

I-ша нагорода — 10 зл., II-га — 8 зл., III-та — 6 зл., IV-та — 3 зл.

г) за найліпшу волну:

I-ша — 5 зл., II-га — 4 зл., III-та — 3 зл., IV-та — 2 зл., V-та — 1 зл.

На переглядах трыков достало нагороду 113 газдов, на переглядах овец 365 и за конкурс волны 67-ох, разом 846 господарей.

В цілі заинтересованя ховом овец господарей в тых селах, где єст их барз мало, або где нит их совсем, але где сут добры условия для хову овец, Краковска Палата Рольна выасыгновала певны сумы на купно овец, котры Perezначено на утворенє годовляных гнізд. На терені новосандецкого повіта сут 22 гнізда, с котрых кажде числит от 3 до 10 штук овец полпородистых.

(Продолженє в слід. числі).

знищені радиостанції в Гарар. Там радиостанціям руководили європейські інженери, котрі мали до помочи абисынчиків. Один абисынчик, перекуплений італіанцями, шмарил до машин радиостанції ручний гранат.

Его застрілено на місці. С Аддис-Абебы вислоно залізницю нові часті до знищеної радиостанції.

Торжественный поворот короля грецкого.

В понеділок, дня 25.XI. вернул до Атен (столиця Греції) б. король грецький Юрій, котрий перед 12-ма роками мусіл ити на вигнанє и жил в Англії.

Тепер по приверненю монархії, король Юрій вернул до отчизни, шtbody засісти торжественно на престолі.

Коли пароход „Гели“, на котром іхал король, нашол ся на грецьких водах, на зустрічу короля виїхала ціла воєнна флота грецька. Над ескадром летіли воєнні самолеты.

В порті Фалерон король Юрій высіл на сушу, витаний Кондылисом, членами правительства, высшима офіцерами и безчисленном толпом народа. У ворот Атен привитал короля бурмистр міста именем всіх бурмистров и отдал ему ключи міста.

Отозва до народа.

Король Юрій II. выдал отозву до народа, в котрой заявил, же вертат до отчизни по 12-ох роках, покликаний на престол праві цілым населенєм Греції. В часі вигнання не тратил звязи с Грецією, але не хотіл впливати на ход політичних отношень. При конци заявил король, же поднимат ся задач монарха и буде мати на цілі все добро духове и материяльне грецького народа.

Дымисия правительства.

Премієр грецький Кондылис зложил на руки короля дымисию правительства. Король возвал до себе ген. Кондылиса и повірил ему утворити нове правительство.

Амнести́я.

Король Юрій намірат выдати амнестию для всіх участников револьты, яку выкликали в марті т. р. републиканцы грецькі. Король бесідовав уж в Парыжі с вождем той револьты.

Венизельосом,

котрий прирек королю, же поддержит короля в выполненю єго плянов и по одержаню амнеції осяде на Креті, стоячи все до роспорядимости короля.



ВОЙСКОВА РЕВОЛЮЦІЯ В БРАЗИЛІЇ.

В кількох державах Бразилії выбухла революція, котра прибрала грозны розміры. Револьтом руководили комунисты, до котрых прилучили ся в дакотрых державах правительственны войска. В окрузі Пернамбуко 21 и 28 баталіон стрільцов вымордовав своїх офіцеров и прилучил ся до револьты.

Правительство центральне вислоно до Пернамбуко кілька воєнних пароходов, а в глубину провинції воєнны самолеты. Всі газеты комунистычны были приоставлены, притом приступлено до масового арестованя комунистычных проводыров, рекрутуючих ся в великой часті с чужинцов. Всі они будут позбавлены бразильского гражданства, а тоты, котры принимают участь в ре-

вольті с оружієм в руках, будут отданы под воєнный суд.

О розмірах револьты свідчит факт, же выбухла она одночасно в провинціях: Паратыба, Мацельо, Минас Гераес Алагоас, Пернамбуко и Рио Гранде.

Цілым тым рухом руководил російський емигрант, Наваров, котрый уж от 10-ох літ живе в Бразилії.

Револьту тоту по завзятых боях здавлено.

Бігунка у телят.

Телята, уроджены в осени, або на початку зими надают ся найліпше до хову. Сут они найсильніши и найздоровши, бо мати, жиючи в літі на пасовиську и на свіжом воздуху, находит условия, найблизше подобны до природных потреб. Тому до хову найліпше єст оставяти телята с того часу.

Молодым телятам грозят дві опасны хвороты, котрых обявы сут зближены, хоц причина хворот єст ріжна. Сут то: бігунка и нестравность.

На негравность западают телята (также гачата) в перших 3—5 неділях и то через перессанє ся. Теля тратит смак, єст смутне и выдєє отходы воднисты и смердячи. Теля схне, єст слабе и нелічене може здохнути. Розуміє ся, же телята кормлены с руки не западают на тоту хвороту, бо достають все одынаково молока. Вылічити теля єст дост легко. Треба давати меньше молока, дати телятю пол шклянкы рыцынового олію со шклянком румянку.

По 12-ох годинах дає ся што три години шклянку молока, вымішаного с 2-ма білками яйц и половином ложочки наливкы с опієм. При вздутю зробити леватыву с половины литра дегтьовой воды (2 части дегтю на 10 частей воды).

Опаснійша єст бігунка. Єст то хворота заразлива, выликана бактериями. Зараженє наступат в перших днях, найчастійше через пупок. Обявы подобны як при перессаню, ноги в колінах пухнут, теля не може стояти, лежит и по пару днях здыхат. Ліченє трудне може приписати лем ветеринар.

Але легче, як лічити єст запобігати хвороті, што єст легке и нич не коштує. Понеже телята заражают ся найчастійше от навозу, в котром мають жилище хворототворчи бактерии, прото стараня газды повинни ити в том напрямі, шtbody не допустити до прикосновєня пупковины с навозом.

В той цілі береме 2—3 мішкы, сшиваме разом, шtbody одержати велику плахту. Отдільно треба мати линку, потребну при породах и тонький шнурок. Плахту треба добре вызваряти и выпрати, линку и шнурок вымочити в 3. процентном ростворі креолины, все высушити и мати приготовлене. Коли начинає ся пород, треба теля приняти на зложену во двоє плахту, шtbody оно не прикоснуло ся до навозу. С пупковины вытиснути кров и перевязати шнурком на долготі 5—6 пальцов, решту отрізати ножичками. На плахті подає ся теля корові до облизаня, а пак выносит ся до царку, выстеленого свіжом соломом. До царку не треба входити, шtbody с навозом не занести хвороты. Поити с руки. Люды, помагаючи при породі должны передом вымыти старанно руки. Плахту зас вызваряти, линку и шнурок выдесинфековати и переховати до нового породе. Тым способом можна предохранити ся перед тьма хворотами, особенно, коли кормиме теля с руки и перестерігаме образцову чистоту,

НА РУСКУ БУРСУ В НОВОМ САНЧІ

пожертвовали дальше: 1) на руки Констанції Трохановской в Крыниці: Василий Петрык с Крыницы 2 зл., Антоний Кусык с Крыницы 2 зл., Мелетий Тихий с Лабовы 1 зл., Осиф Петрык с Крыницы 2 зл., Семан Ладна со Щавника 1 зл., Чит. им. М. Качковского в Верхомлі Вел. 5 зл.

2) на руки г-на Алексія Милянїча в Поворознику: Михаил Русиняк с Верхомлі Велікой 10 зл., Евстахий Милянїч со Щавника 5 зл., чит. им. Мих. Качковского в Щавнику 10 зл., Стефан Циханський со Щавника 1 зл.

3) На руки О. Романа Прислопского в Жегестові: Алексий Милянїч с Поворозника 10 зл., чит. им. М. Качковского в Поворознику 10 зл., чит. им. М. Качковского в Жегестові 10 зл., О. Роман Прислопський жертвовал 15 зл. Всього собрано до тепер 243 зл.

В виду того, же на кошты процеса о маєток Руской Бурсы в Новом Санчі затягнуно пожитку у г-на Алексія Милянїча в Поворознику в сумі 100 зл., а дотепершны жертвы не покрывають той сумы, просиме всі читальні, кооператывы и охотных людей поспішити с пожертвованями на тоту ціль, а то тым больше, же будут потребны гроши также на гонорар адвокатський.



НЕ ДАМЕ ЗЛОМИТИ СЯ НАІЗДНИКАМ.

Село Щавник, лежаче над ріком Попрадом и быстрыма верхами Карпат має прадідну историю и славу. В часах заложєня села надано ему ріжны привилегии, котрыма село славит ся и гордит. Не може напасти на Щавник жадна выдуманя и неправдива история Украины, бо єго жителі знають, откаль ся взяли. Основателі Щавника походят с Сербии (Милянїче). Они принесли віру православну и гнетуча уния змусила их отречи ся своєй віры. А днеска украинскы наїздники кричат и безчестят нас. О. Качмар провадит дальше сильну агитацию. Отберат рускым людям парохияльны грунты и луки и дає украинцам — своим лизунам. На сіножать, котру рускы люды покосили, зганят шайку украинцов и жене их заберати сіно, где брат на брата острит ножи и проливат ся невинна кров. О. Качмар отхылят ся аж и от рускых хворых и не хоче уділити им святых Тайн.

Щавничане, кріпкы в своєм духу, не дадут зломити ся наїздникови. Свою читальню сильно поддерживают во власном домі, дають забавы и представлєня.

Дня 21.XI. отограла два предсталєня „свідкы“ и „розбите зеркало“. Народа собрала полна саля. Аматоры грали, як правдивы акторы. Велику заслугу для читальняного житя положил Стефан Циханський, котрий вложил много труда над виученєм предсталєнь. Прекрасно деклямовали молоды школярикы: Стефания Яценїк, Олюня Милянїч, Мария Костик, Теодор Милянїч и Ганця Щавинска. По предсталєню отспівал хор кілька патриотычных пісень под проводом дырыгента Василя Яценїка. По окончєню предсталєня и співу высказала патриотычну промову Евгения Милянїч. По окончєню всего отбыла ся забава с танцами. Доходы с предсталєнь и забав идуť на сплаченє долгу, який тяжит ище на ново выбудованом читальняном домі.

Щавник, дня 25.XI. 1935.

Дальший гость.



Што чути в світі.

Париж: Процес хорватських терористів, обжалованих о убийство короля Александра відложено до січня, бо голова адвокатської палати заявив, що не може в так короткий час переписати всі акти, що стосуються до убийства і в наслідок цього, не може дати обжалованим потрібну оборону.

Король кризи: С Карльсбада доносять, що один тамтешній купец пережив рекордний день. В тому дні переведено у нього 57 езекуцій і доручено йому 342 позови і повідомлення судові.

Рим: Міністер Альфієри в своїй бесіді сказав крім іншого, що якщо санкції розтягнуті також на ропу, залізо і метал, то Італія виступить з Лиги Народів.

Буффальо: Зроблено ту панцерний автомобіль для президента Русвельта. Шибки цього автомобіля зроблені з трійного скла, опорного на стріли куль. Автомобіль той може розвинути швидкість до 200 км. на годину.

Полуднево-африканський астрон обчислив, що голім оком можна видіти лем одну п'ятимільйонну частку тих зірок, які є відомі науці.

По доповідях з Москви на границі совітсько-маньчурської відділки совітських воєнок мусіли боротися багнетами з стадом диких, яке на них напало. На місці той незвичайної боротьби остало 6 убитих диких, з яких кожен важив близько 8 пудів (128 кг.). Дику покалічили тяжко двох воєнок.

З Москви доносять, що в короткий час мають відкрити нову залізничну лінію в середній Азії. Довгота лінії вийде 448 км.

В Ростові над Доном побудовано міський театр, який є найбільшим театром в цілій Росії. На сцені може поміститися 2250 глядачів. Середина театру вистроєна з граніту і мармуром.

Над Калябриєю в Італії перешла страшна буря з величезним зливом. Стралило життя 70 людей. Шкоди оцінюють на 20 мільйонів лірів.

Англійські жерела доносять, що абисинська армія виперла італійців з Горагаи і Герлоби, що було б доказом перемоги 100-кілометрового повороту. Коло Дольо передні сторожі абисинської армії перешли уже італійську границю і знаходяться в італійському Сомалі. Туди відділи йдуть на Люг-Ферранді, що може загрожувати італійській приморській пристані Могадішо. Цілий труд 55 кампаній на полудневому фронті здається для Італії страшний. Також і на північному фронті італійська армія відступила з Макале в напрямі Адиграту.

В цілій Італії іде сильна пропаганда проти санкцій; всюди збирають золото і залізо.

З кореспонденції римських газет виходить, що внутрішнє положення в Італії є дуже напружене. Не підлягає сумніву, що Іта-

лія згодиться тепер на такі умови, о яких до недавнього часу хотіли чути.

Бувший цар Абисинії Лидж Яссу, який від 18-ти років був ув'язнений через негуса в Гарарі, помер серед підозрілих обставин. Уперто говорять, що Лидж Яссу був отруєний.

Вісті з краю.

Варшава: Доносять, що в першій половині грудня буде улагоджена справа зниження ціни цукру і вугля. Як чути зниження ціни має становити 20%, так, що 1 кг. цукру коштував би 1 зл. По переведенню цієї знижки має уряд зайнятися справою зниження ціни заліза, нафти і паперу.

Варшава: Урядом підготовлено новий закон про картелі, який дає можливість швидкого розв'язання картелів. Тож, якщо не дасться в короткий час перевести добровільно зниження ціни артикулів картелізованих, уряд приступить до розв'язання картелів перед днем 1. січня 1935 р., бо до того часу мають бути перевезені декрети, що стосуються до зниження витрат утримання. Надзор над картелями покладено на Міністерство Торговлі і Промисловості.

Варшава: Дня 15. т. м. відбулося ліквідаційне зібрання членів комітету „Свята Гор“, на якому ухвалено зоставити фонд комітету призначити для 8-ми синів жителів гор з регіонів: ойцовського, лемківського, гуцульського, і подгаліанського стипендії, щоб дати їм можливість отримати освіту в одній з високогірських гімназій. Комітет призначив також заступника „Związkowi Podhalan“ на перевезення тіла б. п. Стопки.

Новий Санч: Дня 21. т. м. роздано в Старостві нагороду „Свята Гор“. Нагороду роздавав голова старости д-р. Лах за участь в „Святі Гор“. Першу нагороду отримав за „збойницький танець“ Пырдол з Лонька. Далі нагороди отримали лемківському хором з Крыниці, групам з сандецького і властителям строїв з Подєгородя.

В ЗИМІ ОТБУДЕ СЯ В КРЫНИЦІ СЕЛІ КУРС ТКАЦЬКИЙ

Оплата за науку на курсі вийде 2 зл. Учасники курсу не мають платити за квартиру і утримання. Курсанти мають приготувати льняну, або вовняну пряжу. Мусять вони обов'язатися перестерігати риболовство школьниць.

Зголошення приймає адміністрація газети Лемко в Крыниці.

УЖ ДНЯ 2 ГРУДНЯ НАЧАЛ СЯ В КРЫНИЦІ КУРС ДИРИГЕНТОВ ХОРОВ

який провадить знаменитий композитор і диригент г-н А. Ропицький.

На курс той приймає ще додатково до дня 9. грудня.

Новий Санч: Дня 25. XI. почався в окружному Суді в Новом Санчі процес проти судових урядників, обжалованих за надання касових в суді понад 100.000 злотих. На лаві обжалованих сиділи Альфред Годоль, бувший начальник секретаря міського суду в Новом Санчі, О. Слюзар, скарбник Суду, Адам Гебенштрейт, управитель рахунку, Вахтель, купец і Іван і Марія Косси власт. реальності.

В результаті процесу засуджено Слюзара на 8 років, Годольного на 4 роки, Гебенштрейта на 2½ року, Івана Косса на 8 місяців і втрату прав і уряду.

Новий Санч: Арештовано начальника залізничних варстатів в Новом Санчі інж. Керна за надання.

Окрали цілий вагон: На шляху між Перемислем і Пшеворском вкрали цілий вагон з невідомою вантажем до вагона поїзда вантажного і по розбиттю замків вивантажили цілий вагон з вантажем там мануфактури і конфекції. Крадіж спостережено аж в Радимні. Шкода становить кілька тисяч злотих.

Союз Ремесельничих Палат зголосив на річкової міжміністерської комісії список артикулів, які повинні подешевіти. Список обіймає поза вирахуванням уже вуглем і цукром, також товари нефабричні, які продаються через ремесельників в їх варстатах, як: бляха, цемент, цегла, дріжддя, папер і тканину.

По доповідях варшавських газет має бути призначений в найближчий час воєводою краківським віце-маршалом сенату Казимір Свистальський.

До Познаня приїхав перший транспорт реемігрантів з Франції в числі 100 людей. В найближчих днях мають приїхати дальші транспорти.

КТО ХОЧЕ ЗАБЕЗПЕЧИТИ СЯ
НА СТАРОСТЬ, АБО ЗЛОЖИТИ ДІТЯМ
ПРИДАНЕ, НАЙ

заасекурує ся
в Асек. Товаристві
Вита и Краковске
во ЛЬВОВІ

Дня 22. грудня т. р. о год. 10-той
отбуде ся
в Горлицях в поміщеню Руской Бурси

Обще зібрання Членів Лемко-Союза.

Програма дня слідує:

- 1) Відкриття Зібрання і вибор президії на час Зібрання.
- 2) Доклад про діяльність правління за рік 1935.
- 3) Доклад касовий.
- 4) Віднесення абсолюторії.
- 5) Доповідь про вибор правління.
- 6) Вибор Контрольної Комісії.
- 7) Обговорення релігійних діл в зв'язі з призначенням Апостольського Адміністратора.
- 8) Обговорення школьницьких діл.
- 9) Уложення програми роботи на рік 1936.

Просимо прийняти в зібранню численну участь.

Правління.